

*liefde.*

natuurliker leve, de mi tho minen vaderlande bewagen den arbeit gantz willich angenahmen, und dat uth vele Croniken gecolligeert und vorsamlet, und gevuget, so vele de Almachtige gunnen wil, nah minen hochsten vermogen, wo wol ick nicht vor een Geleerden, sunder als ein † Ichlichten einfuldigen leie, mi gantz ungeschickt dat tho doende achte, wil nochtans den rechten ankunfft und ohrsprunck der Fresen na dem getal van jahren, so vele mogelick vortekenen mit der protestation, oft idt nicht also nah ohre rechte forme und geschicktheit angetagen, als billick wal behooren schulde, oder geschreven were, mi dat selve willen tho gude holden, und wunsche hier mede allen leeshebberen Godlichen wordes und de historien tho leesen geneget de genade des Heeren.

Daer an men egentlich und grundlich mach weten, wes de Historisriveren von aenkumpst der Fresen und der Freeßlanden hebben geschreven, wil ich der selven idtliche de eene na den anderen anzeigen, und den vernufftigen leseren, und thohoeres daer van dat oordeel toe behartigen geven.

*Ordenunge differ Chroniken.*

Dewile de gemeine Chroniken Schriveren, ohre boecken itliche in *Monarchias*, anderen overst anders gedeilet, hebbe ick vor my genamen uth seker reden, de my dar hen bestercken, disse volgende Chronike in veer boecken tho ordineren und delen.

*Inholt des ersten Boekes.*

Dat erste boeck schal roeren und melden van ankumst, aert, und natur der landt und luiden, van wat Nationen van volcke de Freeßlande, so men se daarna genoempt, erste begrepen sint und bewaent. Wo sicken de lande vermeret, und daerna in soeven delen verdeelet, wo se ock dorch Julium Casarem erstmael an dat Romische Rike gebracht. Wo ock de Fresen Engellant hebben ingenamen, und na verloop veler jaren dorch de Norwegische Koninge in grooter eghendom

† Ut simplex laicus. Soli clerici olim habitii docti et literati, laici, etsi clericis praelucebant, indocti. Inde apud Alberic. ad Anno 1188. monachus laicus jussus verbum exhortationis a Cardinali proponere, primum se excusans, dicens laicum literatis non debere loqui, tandem sic exorsus est. &c. Lingua Belgica laica in charta Ann. 1388. vulgare & laicalium in charta Anno 1411.